

Broj: P-01/13

Na osnovu članova 1, 14, i 89. Statuta Komore diplomiranih zdravstvenih inženjera svih profila Federacije Bosne i Hercegovine (u daljem tekstu: Komore), Skupština Komore je dana 13.04.2013. godine usvojila:

**PRAVILNIK O REGISTRU ČLANOVA  
KOMORE DIPLOMIRANIH ZDRAVSTVENIH INŽINJERA SVIH PROFILA  
FEDERACIJE BOSNE I HERCEGOVINE**

**Član 1.**

Ovim Pravilnikom uređuju se pravila o vođenju registra članova Komore diplomiranih zdravstvenih inženjera svih profila Federacije Bosne i Hercegovine, koja nisu bliža uređena Statutom, kao što su:

- OPĆE ODREDBE;
- REGISTAR ČLANOVA KOMORE;
- PRAVA I DUŽNOSTI ČLANOVA;
- ZAVRŠNE ODREDBE;

**I OPĆE ODREDBE**

**Član 2.**

Članovi Komore mogu biti redovni, počasni i podupirući.

**Član 3.**

Redovni članovi Komore mogu biti sve osobe koje su državljani Bosne i Hercegovine i osobe koje nisu državljani BiH ali koje dokažu da imaju boravišnu dozvolu na području Federacije BiH.

U Komoru se obavezno učlanjuju:

- a. Diplomirani sanitarni inženjeri;
- b. Masteri sanitarnog inženjerstva;
- c. Prvostupnici sanitarnog inženjerstva (BACC.);
- d. Diplomirani fizioterapeuti;
- e. Prvostupnici fizioterapije (BACC.);
- f. Masteri fizioterapije;

KOMORA DIPLOMIranih ZDRAVSTVENIH INŽINJERA SVIH PROFILA  
FEDERACIJE BOSNE I HERCEGOVINE

- g. Diplomirani inženjeri medicinsko-laboratorijske dijagnostike;
- h. Masteri medicinsko-laboratorijske dijagnostike;
- i. Prvostupnici medicinsko-laboratorijske dijagnostike (BACC);
- j. Diplomirani inženjeri medicinske radiologije
- k. Masteri medicinske radiologije
- l. Prvostupnici medicinske radiologije (BACC.)

**Član 4.**

Počasni članovi mogu postati sve osobe koje su se istakle izvanrednim radom na području zdravstva, bez obzira na struku, koji pristanu da svojim postupcima, savjetima ili na neki drugi način pomognu razvoju Komore i njenom napredovanju.

**Član 5.**

Podupirući članovi mogu biti sve pravne i fizičke osobe koje pomažu Komoru, a kojim Komora pruža stručnu pomoć.

**II REGISTAR ČLANOVA KOMORE**

**Član 6.**

Prije upisa u registar diplomirani zdravstveni inženjer/profesionalac dužan je uplatiti članarinu.

**Član 7.**

Redovnim članom postaje se upisom u registar članova Komore, prihvatanjem odredbi Statuta Komore, prihvatanjem Prijavnice od strane Predsjedništva Komore i uplatom članarine.

Primljeni član upisuje se u evidenciju/Registar članova Komore.

Iznos članarine za redovne i podupiruće članove, kao i vremenski period za koji se uplaćuje određuje Skupština Komore.

**Član 8.**

Upis u Registar se obavlja na evidencionom listu koji sadži slijedeće:

- ime i prezime;
- ime oca;
- datum i mjesto rođenja;
- mjesto stanovanja;

KOMORA DIPLOMIranih ZDRAVSTVENIH INŽINJERA SVIH PROFILA  
FEDERACIJE BOSNE I HERCEGOVINE

- opština stanovanja
- JMBG;
- stručno zvanje;
- naziv i sjedište ustanove u kojoj radi;
- datum i mjesto diplomiranja;
- naziv fakuleta i broj diploma;
- datum i mjesto polaganja stručnog ispita;
- državljanstvo.

Za upis u Registar, obavezno je ispuniti Evidencijski list (Obrazac IV- KDZIFBIH), te podnijeti dokaze o navodima iz Evidencijskog lista.

**Član 9.**

O svakoj promjeni podataka iz člana 8. ovog Pravilnika član Komore je dužan obavijestiti Komoru u roku od 30 dana od nastanka promjene.

**Član 10.**

Nakon upisa u Registar član dobija člansku kartu. Članska karta se daje za period od 6 godina. Upravni odbor donosi odluku o obliku, sadržaju i načinu korištenja članske karte.

**Član 11.**

Upisnik za počasne članove sastoji se od registarskog obrazca u koji se upisuju počasni članovi. Sadržaj registarskog obrazca počasnog člana sadrži

- ime i prezime počasnog člana;
- podaci o stručnom i naučnom stepenu;
- odluku Skupštine i obrazloženje o ulozi i zaslugama počasnog člana.

Počasni članovi su oslobođeni plaćanja članarine.

**Član 12.**

Ispis iz registra, ako su za to ispunjeni uslovi, će se izvršiti:

- prestankom članstva u Komori;
- na zahtjev člana;
- na zahtjev Suda časti Komore;
- po isteku kalendarske godine za koju nije platio članarinu;

**Član 13.**

Uz podatke iz člana 8. ovog Pravilnika u Evidencioni list se upisuju i slijedeći podaci:

KOMORA DIPLOMIRANIH ZDRAVSTVENIH INŽINJERA SVIH PROFILA  
FEDERACIJE BOSNE I HERCEGOVINE

- datum upisa u Registar;
- datum ispisa iz Registra;
- datum izdavanja odobrenja za samostalni rad;
- datum produženja odobrenja za samostalni rad;
- datum oduzimanja odobrenja za samostalni rad;
- datum promjene podataka;
- podaci o postupcima i odlukama Suda Komore;
- podaci o pravosnažnim presudama.

Uz Evidencioni list iz člana 8. ovog Pravilnika, Komora može voditi i dodatne registarske obrazce sa ostalim podacima o članu.

**Član 14.**

Podaci iz Registra mogu se koristiti samo za potrebe Komore.

**Član 15.**

Članstvo u Komori odobrava Upravni odbor Komore. Ukoliko Upravni odbor odluči da pojedinac ili više njih ne mogu postati član/ovi Komore, spomenuti se mogu žaliti nakon čega konačnu odluku donosi Sud Komore.

**III PRAVA I DUŽNOSTI ČLANOVA**

**Član 16.**

Članovi Komore pored prava utvrđenih zakonom imaju pravo:

- da biraju i budu birani u sve organe Komore;
- da učestvuju, raspravljaju i iznose prijedloge i mišljenja na svim sastancima i skupštinama koje Komora održi bez ometanja i bilo kakvog sprječavanja od strane drugih članova;
- na usluge koje Komora obavlja u okviru svoje djelatnosti;
- da samostalno, uz saglasnost Upravnog odbora Komore ili u organizaciji Komore, održavaju seminare, predavanja i druge aktivnosti;
- da sudjeluju u svim programima koje Komora organizuje.

**Član 17.**

Članovi Komore su dužni:

- da poštuju Statut Komore i sve njegove odredbe;
- da aktivno učestvuju u radu Komore;
- da svojim zalaganjem i radom ostvaruju ciljeve Komore;

KOMORA DIPLOMIRANIH ZDRAVSTVENIH INŽINJERA SVIH PROFILA  
FEDERACIJE BOSNE I HERCEGOVINE

- da štite ugled Komore;
- da se ponašaju na način koji neće nanijeti štetu Komori i struci;
- da rade na unaprjeđenju i napredovanju Komore;
- da uredno plaćaju članarine na način i u skladu sa odlukom Skupštine Komore.

**Član 18.**

Članstvo u Komora prestaje:

- odlukom Suda časti Komore;
- grubim kršenjem i nepoštivanjem Statuta Komore;
- neplaćanjem članarine u trajanju od godinu dana;
- ukoliko je izrečena pravosnažna sudska presuda kojom se osoba (član Komore) osuđuje na kaznu zatvora u trajanju dužem od šest mjeseci ili je izrečena mjera sigurnosti, a posebno mjera sigurnosti zabrane vršenja poziva, djelatnosti ili dužnosti;
- zloupotrebom svog službenog položaja;
- smrću člana.

**Član 19.**

Aktivni članovi Komore, imaju prednost u odnosu na ostale članove prilikom biranja kandidata za rad u Organima Komore. Pod aktivnim članovima se podrazumijevaju oni koji su dali svoj doprinos, prisustvovali i aktivno sudjelovali na sastancima Komore do njenog osnivanja, odnosno registrovanja na nadležnom sudu.

**Član 20.**

Članovi Komore mogu odgovarati materijalno, ukoliko na bilo kakav način načine materijalnu ili neku drugu štetu Komori, članovima ili drugim licima za koje Komora odgovara.

**IV ZAVRŠNE ODREDBE**

**Član 21.**

Skupština većinom glasova usvaja Pravilnik i postaje važeći danom donošenja.

**Član 22.**

Izmjene i dopune ovog Pravilnika donose se po istom postupku kao i Pravilnik.

Predsjednik Skupštine Komore diplomiranih  
zdravstvenih inženjera svih profila FBiH